


TINDLELA LETIMBILI



KUKHETSA INDLELA.

Nangabe sicala luhambo siya endzaweni letsite lesingazange sike siye kuyo, sikhetsa indlela lekufanele sitsatse yona. Sihamba sivule emehlo kutsi lapho silahleka, sijike sibuyele emuva sifune indlela lekunguyo.

Onkhe malanga wena nami siyahamba kulomhlaba, sithesi setfu lapho siyohlala kuze kube phakadze, saze safika khona ngeke sabuyela emuva. Uyakwati lapho uyakhona na?

INCWADZI YETFU LESIHOLAKO.

Nkulunkulu ngelutsandvo nemusa wakhe, usinike incwadzi yekusihola, liBhayibheli, lelisikhombisa kahle indlela leya ezulwini. Emavesi lesinikwe wona kulipheshana atsatfwe kulencwadzi. “Livi lakho lisibani etinyaweni tami.” (TiHabelelo. 119:105).

INDELELA LEBANTI.

Kunabantfu labanyenti kulendlela. “Lisango leliya esihogweni libanti nendlela leya khona ilula, futsi banyenti labahamba kuyo.” (Mat. 7:13).

Labanyenti emehlo abo avalekile. Abati, nome abanandzaba, kutsi

basendleleni leya ekubhujisweni, “kukhona indlela lebonakala iyinhle emehlweni emuntfu; kodvwa siphetfo sayo kufa.” (Taga 14:12). “Ngobe kubo labangakholwa nkulunkulu walomhlaba uphumphutsekise tingcondvo tabo.” (2 Khor. 4:4).

IMITFWALO.

Labantfu labahamba kulendlela basindvwa sono. **Bonkhe bantfu bonile**, bakhashane kakhulu nenkhatimulo yaNkulunkulu.” (Roma 3:23). Ngeke sifihle nasinye sono kuNkulunkulu. “Umuntfu ubuka lingaphandle lemuntfu, kodvwa Simakadze ubuka inhltiyi.” (1 Sam. 16:7). **Lemitfwalo iboshelwe emihlane yabo**. Wena nami ngeke saphumelela kutikhulula ngemitamo yetfu. Lomutfwalo uya ngekwandza uma kuchubeka sikhatsi, futsi “iNkhokhelo yesono kufa.” (Roma 6:23).

UMBANE.

Umbane kulesitfombe siluphawu **lekwehlulela** kwaNkulunkulu. “Bantfu bamiselwe kutsi bafe kanye, bese kutsi emva kwaloko bayehlulelwa.” (Heb. 9:27). “Ngase ngibona lesikhulu sihlalo sebukhosi lesimhlophe, nalohleti kuso..... Ngabona labafile, labakhulu nalabancane, beme embikwaso sihlalo sebukhosi. Tincwadzi tavulwa. Naleny eincwadzi yavulwa, incwadzi yekuphila. Labafile behlulelwa ngekwemisebenti yabo, ngaloko lokwakubhalwe etincwadzini.... Lowo libito lakhe lelalingakabhalwa encwandzini yekuphila, wajikwa echibini lelivutsa umlilo.” (Semb. 20:11,12,15).

UMLILO.

Njengobe Nkulunkulu angcwele futsi alungile, kufanela kube nekujeziswa kwesono. Livi laNkulunkulu lisitjela kutsi kunesihogo, indzawo yesijejiso saphakadze kulabo labangamlaleli Nkulunkulu. LiBhayibheli litsi, “Kuphela kwabo kubhujiswa, nkulunkulu wabo sisu ..., bangulabanaka tintfo temhlaba.” (Fil. 3:19). Kodvwa futsi Nkulunkulu unguNkulunkulu welutsandvo, “ngobe angatsandzi kutsi kubhubhe ngisho namunye umuntfu, kodvwa utsandza kutsi bonkhe bantfu baphendvuke etonweni tabo.” (2 Phetro 3:9). Kulomusa nelutsandvo lwakhe, **wente indlela yekusindza kulabo labafunako. Ngabe uyayifuna kuyitfola indlela yekuphila na?**

INDELELA YEKUPHILA — UMSINDZISI.

Njengobe singeke satikhulula etonweni tetfu, nome ekujezisweni ngetono tetfu, **Nkulunkulu uletse uMsindzisi**. “Nkulunkulu walitsandza live kakhulu kangangekutsi wadzimate wanikela ngeNdvodzana yakhe lekukuphela kwayo, kuze kutsi nome ngubani lokholwa ngiyo angabhubhi, kodvwa abe nekuphila lokuphakadze.” (Johane 3:16). Nkulunkulu, Babe lozezulwini, watfumela iNdvodzana yakhe lekukuphela kwayo, iNkhosi Jesu Khristu, isuka ezulwini ita kulomhlaba; waphila njengemuntfu, kodvwa akazange ona. Bekenta lokuhle, aphilisa labagulako, aphilisa nalabo labanebulephelo, acosha emadimoni, atsetselela labo labavuma tono tabo futsi afundzisa bantfu ngaNkulunkulu.

Kodvwa sizatfu sakhe sekuba ngumuntfu bekukufa ngengemnikelo wetfu sonkhe, kunikela buKhosi bakhe, imphilo lengenasono nengati yakhe

kukhokhela licala letono tetfu. Wavumela labenta bubi kutsi bambambe, bambhambabula umhlane wakhe waze waba nemivimbo, bamethwesa umchele wemanyeva enhloko yakhe, ekugcineni bambetsela etandleni nasetinyaweni esiphambanweni, lapho walenga ngebuhlungu nekuhlupheka. “Khristu cobo lwakhe wetfwala tono tetfu emtimbeni wakhe, emtsini.” (1 Phetro 2:24). Wafela mine nawe.

KUVUKA KWAKHE.

Emuva kwemalanga lamatsatfu ethuneni, Jesu Khristu wavuka ekufeni. Wahamba wakhuluma nebafundzi bakhe, emva kwemalanga langemashumi lamane wenyuka waya ezulwini, uhleti ngesekudla saNkulunkulu, (Roma 8:34) – uMsindzisi lophilako, “lonemandla onkhe ezulwini nasemhlabeni.” (Mat. 28:18). “Ngako-ke unawo emandla ekubasindzisa ngalokuphelele labo labasondzela ngaye kuNkulunkulu, njengobe yena aphilela kubancusela ngaso sonkhe sikhatsi.” (Heb. 7:25). **LIZULU.**

Lizulu yinzawo lapho Nkulunkulu ahlala khona nenkhatimulo yakhe. INkhosi Jesu Khristu yatsi, “ngisaya kunilungisela indzawo. Nangabe anginitjeli loko kube akunjalo. Nase ngiyile nganilungisela indzawo, ngiyawubuya nginilandze, nite kimi, kuze kutsi lapho ngikhona nibe khona nani.” (Joh. 14:2,3).

Kuyinzawo lemangalisako, “Uyakwesula tonkhe tinyembeti emehlweni abo, sekuyawubate kufa, nekulila, nekukhala, nebhuhlungu, ngobe kwakucala sekwedlulile.” “Kuyawubate busuku.... ngobe iNkhosi Nkulunkulu iyakutikhanyisela.” (Semb. 21:4, 22:5).

Kuyinzawo lengcwele. “Kute lokungcolile lokuyawungena kulo, ngisho nalowenta lokubi nalonemacebo angeke angene kulo, kodvwa kuyawungena kuphela labo emabito abo labhaliwe encwadzini yekuphila yeliWundlu.” (Semb. 21:27).

Indlela leya ezulwini yinye kuphela. “Mine ngiyindlela, neliciniso, nekuphila, kute longeta kuBabe nakangeti ngami.” (Joh. 14:6). “Kute kusindziswa ngalomunye, ngobe kute lelinye libito ngaphansi kwelizulu selinikwe nguNkulunkulu kubantfu, lesingasindziswa ngalo.” (Imis. 4:12).

SILICALA NJANI LOLUHAMBO LEKUYA EZULWINI.

1. Phendvukani nikholwe liVangeli.” (Mak. 1:15).
2. **Buya eNkhosini Jesu Khristu**, ngemthandazo, njengobe unjalo nemtfwalo wakho wesono, bese ucela intsetselelo kuye. Utsi, “lotako kimi, angeke ngimlahlele ngaphandle.” (Joh. 6:37). “Wotani kimi, nine nonkhe lenikhatsese nalenisindvwa yimtfwalo, ngitaniphumuta.” (Mat. 11:28).
3. **Kholwa kuKhristu yedvwa kuze ukhululwe etonweni takho.** “Nengati yaJesu, iNdvodzana yakhe, iyasihlanta kuko konkhe kona.” (1 Joh. 1:7).
4. **Utakunika kuphila... kuphila lokuphakade.** Khristu watsi, “Lowo lova livi lami akholwe ngulongitfumile, unekuphila lokuphakadze. Akayi ekwehlulelweni, kodvwa **sewuphumile ekufeni, wangena ekuphileni.**” (Joh. 5:24). “Nangabe umuntfu akuKhristu, usidalwa lesisha; tintfo letindzala setendlulile kuye, konkhe sekwentiwe kwaba kusha.” (2 Khor. 5:17).

5. Utakuba nekuthula enhlityweni yakho. “Njengobe sesentiwe semukeleka kuNkulunkulu kutsi silungile ngekukholwa, sesinekuthula naNkulunkulu ngeNkhosi yetfu Jesu Khristu.” (Rom. 5:1). “Bufakazi ngulobu kutsi Nkulunkulu wasinika kuphila lokuphakadze, naloku kuphila kuseNdvodzaneni yakhe. Wonkhe umuntu loneNdvodzana, unekuphila, kantsi lowo lote iNdvodzana yaNkulunkulu, ute kuphila. Nginibhalela loku nine, lenikholwa egameni leNdvodzana yaNkulunkulu, kuze nati kutsi ninekuphila lokuphakadze.” (1 Joh. 5:11-13).

SINGAYIPHILA NJANI IMPHILO LENSHA.

1. **Fundza libhayibheli emalanga onkhe.** Ngaphandle kwekutsi lisibani sendlela yetfu, likudla kwemphefumulo. “Njengebantwana labasandza katalwa, langatelelani lubisi IwaMoya loluhlantekile nalolungakabhicwa nalutfo, loluLivi laNkulunkulu, lenitawutsi ngekulunatsa nikhule, nize nisindziswe.” (1 Phetro 2:2). Cela Nkulunkulu kutsi akuhole ngaMoya wakhe Longwele, nawufundza.

2. **Sondzela kuye ngemthandazo malanga onkhe,** uthandaze ngelibito laJesu. “Ungakhatsateki ngalutfo. Kepha kuko konkhe ticelo tenu atatiwe nguNkulunkulu ngekukhuleka nekuncusa kanye nekubonga. Kuthula kwaNkulunkulu lokwendlula konkhe kwati kutawulondvolota tinhlityo tenu nemicabango yenu kuKhristu Jesu.” (Fil. 4:6,7).

3. **Tjela labanye ngaKhristu.** “Buyela ekhaya kubantfu bakini, ubatjele kutsi iNkhosi ikwentele tintfo letinkhulu kangakanani, nekutsi ikhawukele kanjani.”

4. **Ngesikhatsi sekulingwa, bita Inkhosi.** “Njengobe naye matfupha wahlupheka alingwa, unawo emandla ekubasita labo labalingwako.” (Heb. 2:18).

5. **Nangabe wenta sono futsi, sivume kuNkulunkulu.** “Kodwa nasitivuma tono tetfu, wetsembekile, futsi ulungile, utasitsetselela tono tetfu abuye asihlambulule kuko konkhe kungalungi.” (1 Joh. 1:9).

6. **Tihlanganise nalamanye emakholwa eNkhosini Jesu Khristu.** “Nankhu umyalo wami: ‘tsandzanani, njengobe nami nginitsandza.’” (Joh. 15:12).

7. **Hlonipha Nkulunkulu njalo.** “Umuntu nakangitsandza, uyawugcina emavi ami.” (Joh. 14:23).

8. **Ungesabi, Khristu unawe.** “Ngingeke ngikuyekele, ngingeke ngikushiye.” (Heb. 13:5).

9. **Tinikele ngalokuphelele eNkhosini Jesu Khristu.** “Mvumele ahole imphilo yakho ngekweetsandvo yakhe. Ngalandlela utakutfolela intfokoto yeliciniso.

For free Gospel literature, books and tracts in over 540 languages, write to:

E-MAIL: info@angp.co.za

ALL NATIONS GOSPEL PUBLISHERS

P.O. Box 2191, PRETORIA, 0001, R.S.A.

(A Gospel Literature Mission financed by donations)

(Reg. No. 1961/001798/08)